



Sarajevo, 26.05.2020. godine

Broj: 06-06-2-463-3/20

Vanjskotrgovinska komora Bosne i Hercegovine, Konrad Adenauer Stiftung i Centar za energiju, okoliš i resurse (CENER 21)

Vas pozivaju na webinar:
"Energijska efikasnost i upravljanje energijom u industrijskim preduzećima"
koji će biti održan putem Zoom online platforme
10.06.2020. godine od 10:00-12:30 časova

Poboljšanje energijske efikasnosti (EE) te uspostava sistema upravljanja energijom predstavljaju ključne alate za unapređenje konkurentnosti preduzeća na zahtjevnom međunarodnom tržištu, posebno u vremenu kriza. Za postizanje ovog cilja neophodno je vršiti stalnu edukaciju kadrova na svim nivoima koji su i pokretači razvoja.

Na webinaru će biti prezentirane sljedeće teme:

- Uvodno obraćanje predstavnika VTK BiH i Konrad Adenauer Stiftung;
- Pregled relevantne zakonske regulative iz oblasti energijske efikasnosti u EU i BiH, a koja se odnosi na proizvodne kompanije i velike potrošače;
- Procedura provođenja energijskog audita kao prvog koraka u procesu uštede energije;
- Izvori finansiranja i olakšice koje bi podržale aktivnosti unapređenja energijske efikasnosti i povećanja konkurentnosti u sektoru proizvodnje;
- Zahtjevi standarda BAS EN ISO 50001 - iskustva i postignuti rezultati implementacije;
- Primjeri iz prakse—povećanje konkurentnosti kroz smanjenje potrošnje energije, negativnog uticaja na okoliš i resursnu efikasnost.

Cilj webinara: dati smjernice za povećanje konkurentnosti preduzeća u Bosni i Hercegovini kroz jačanje kapaciteta u upravljanju energijom i edukaciju kadrova za unapređenje energijske efikasnosti u industrijskom sektoru.

Ciljna grupa: predstavnici velikih, malih i srednjih industrijskih preduzeća i ostalih velikih potrošača energije u Bosni i Hercegovini koji su uključeni u projekte upravljanja energijom i energijske efikasnosti na direktan ili indirektan način.

Predavači na webinaru:

Esma Manić, dipl.ing.el. (Enova) sa više od 20 godina radnog iskustva na razvoju projekata u oblasti energetike, provođenju energijskih audita i energetskog savjetovanja u industriji i zgradarstvu, ovlašteni projektant iz oblasti energetike i ovlašteni savjetnik za energijsku efikasnost. Učešće na implementaciji projekata najboljih dostupnih tehnologija (BAT) u oblasti industrije i zaštite okoliša.





Šejla Mahmutović, mag. maš., (CENER 21) višegodišnji rad na projektima relevantnim za regulatorni i tehnički aspekt energijske efikasnosti u zgradarstvu i industrijskim preduzećima. Učestvovala na izradi audita u industriji u okviru Nacionalnog programa čistije proizvodnje u BiH i izradi tehničko-tehnoloških analiza u oblasti tretmana otpada pretvorbom u energiju i studija izvodljivosti iz oblasti podizanja konkurentnosti industrijskih preduzeća izgradnjom tehnoloških parkova; analiza politika iz oblasti energijske efikasnosti i upravljanja otpadom.

Mirzet Mujagić, (Enova) je magistar poslovnog upravljanja i bakalaureat ekonomije sa višegodišnjim radnim iskustvom u oblasti razvoja i podrške poslovanju proizvodnih preduzeća, povećanju konkurentnosti malih i srednjih preduzeća i upravljanja poslovanjem; učestvovao je u razvoju modela finansiranja mjera energetske efikasnosti u zgradarstvu i industriji, uz korištenje različitih izvora finansiranja.

Nihad Akeljić, dipl. inž. tehn., (Sisecam Soda Lukavac) preko 30 godina radnog iskustva, trenutno obnaša funkciju Izvršnog direktora Sektora za kontrolu, ekologiju, zaštitu i zdravlje u kompaniji Sisecam Soda Lukavac. Iskustvo u rukovođenju pogona, proizvodnji, upravljanju; iskustvo samostalnog inženjera stečeno, između ostalog, na Institutu za zaštitu, obrazovanje i ekologiju.

Učešće na webinaru je besplatno.

Webinar će se realizirati na Zoom online platformi (<https://zoom.us/download>). Napominjemo da je broj učesnika na webinaru ograničen. Neposredno prije početka edukacije pristupni link za učešće na webinaru će biti dostavljen svim učesnicima. Neophodno je da učesnici obezbijede računar sa stabilnom internet vezom.

Prijavu na webinar možete izvršiti ispunjavanjem online prijavnog obrasca najkasnije do 08.06.2020. godine do 16:00 časova. Više informacija možete dobiti na tel: 033 566 201 ili senad.hromic@komorabih.ba.

S poštovanjem,

Dr.sc. Elma Kovačević- Bajtal, direktorica
Sektor za edukaciju
Vanjskotrgovinska komora Bosne i Hercegovine

